

明清史料叢書

于浩◎編

續編

國家圖書館出版社

于浩◎編

明清史料叢書

續編

8



國家圖書館出版社

明末史料五種

佚名○輯

影印本

第八冊目錄

明末史料五種

佚名輯

.....

一

東江遺事

二卷

(清)吳騫撰

.....

一

天南紀事

二卷

(清)胡欽華撰

.....

二〇九

前車野語

(明)佚名撰

.....

二六五

江上孤忠錄

(清)趙義明撰

.....

三五九

北征得失紀略

(明)張煌言撰

.....

四四九

序

讀史者謂明之亡也有君而無臣以思陵非亡國之君也然其所以亡有三道焉急於求治率於用人闇於度事急於求治則賢不肯並列曲直不分止期速效每計一方未行而先與剋日率於用人則巧佞媚嫉者競進正直讜言者日退黨同伐異中外紛然闇於度事則惜餉汰兵用內臣監督將帥至四海鼎沸有瓦解之勢猶委用體仁延儒嗣昌一輩當國欺君黷貨陷害忠良夫如是欲頃臾延國命得乎是以周皇后之將自盡也泣而曰陛下在位一十七年未嘗聽妾一言今日之死固其所矣

聞者莫不為之隕涕夫毛文龍之死天下盡知其冤迨袁崇煥
既伏厥辜即當下詔表暴二人功罪庶幾激勵邊疆而作士氣
至其子承祿為父泣血籲哀朝中竟置不省迨乎國變又十餘
載卹典始終不下尚得謂賞罰之明乎今去勝國且百數十年
一二故老猶有借文龍抱不白之冤於地下者爰從各紀傳輯
錄為一編曰東江遺事凡二卷以俟後人論定且使貪功害能
者知天道之不爽至於東江既失有識寒心乃中朝若不介意
追我

太宗文皇帝每降心相從欲修鄰國之好而思陵卒岸然弗顧

馴致流賊披猖躬殉社稷嗚呼讀是編者亦可以悲其志矣
嘉慶丙寅夏六月滄江湯叟志

東江遺事目錄

卷上

毛將軍碑

援遼功績

卷下

熊廷弼傳

袁崇煥傳

錢龍錫傳

朝鮮傳

袁崇煥

毛文龍

毛帥江東

錦寧戰守

崇正朝紀略

也是國禡錄

毛太保公傳

毛愬戎墓誌銘

耿靖南傳

尚平南傳
孔定南傳
東華錄

東江遺事卷上

滄江湯叟輯

毛將軍碑

談遷叢林雜錄

平遼總兵官左軍都督同知毛公功德碑天啓四年七月朝鮮
立奮忠贊謨立紀明倫靖社功臣輔國榮祿大夫兼議政府左
贊成判義禁府知書延春秋館成均館事弘文館大提舉藝文
館大提舉金贊撰通政大行曹參議李瀟書崇政大行兵
曹判書兼同知成均館事金尚容篆嘉議大夫平安道觀察使
兼兵馬水軍節度使平壤府尹巡察司李尚奇立石

碑文不載銘曰

噫噫往歲東隣造孽聳我清邊鯨吞豕突急莫之遏堞壘無堅
全遼石壤彌難搶攘厥墟腥羶公時憤切忠膽激烈齧牙張拳
獨立一叫揭義為號趨者爭先曷投曷倚俾賊顧忌以掣以宰
謂我兵濟克協大計鷄首東偏復醜復鎮軍聲始振天討行焉
出入遼瀋形格勢禁因或恣前恟疑縮頸不敢西逞關防賴全
瞻彼概島洪濤淼茫處得其便洋津妥帖履坦不跲就堯如天
激以忠藁其歸如市累累連連曰公父母開口望哺餘喘其綿
匪公是任吾其左袵長城屹然得人死力功章寵錫褒詔頻宣
神旂豹尾以隆閭寄節制其專大業未了縣見其效四海望延

吾言不失有持史筆有資凌烟撫實載石先審其績貯壽其傳

援遼功績

明末稿冊

援遼都司毛文龍今將建過功績開列於後

計開

一萬厯四十八年十月初七日統兵到於杏山寨遇敵交戰親

斬首級一顆部斬首級二顆報解蒙左監軍參政高諱出驗功

轉解蒙監軍御史陳諱

王佐

驗功賞花幣銀牌八兩詳批毛某

渾身是膽滿腹皆兵本院不日題請好大將材也檄及批知州

趙宋儒擬功報蒙經畧部院熊

諱廷弼

驗功犒賞花幣銀牌四

兩紀錄報叙

一泰昌元年十月二十九日倡義捐資承造生牛皮制遁甲滾
馬牌鑪火箭火礮火雅等器解蒙左監軍叅政高 驗堪
開存毛某捐資採料造制破夷器物實在不辭勞瘁祕畧得方
堪宜效用等因報蒙經畧部院熊廷弼 驗賞紀錄該道有奏
一天啓元年七月初十日統領官兵張攀李景先等及同生員
王一寧等到鎮江廣鹿島拿獲敵不知姓名一十三人解功
有奏

一天啓元年七月十九日及本月二十一日奉蒙寧遠道副使

王憲委統駕沙唬船隻官兵張攀等前往鎮江等處哨探夷情訪遇敵姪兒佟養真出守鎮江標下中軍陳良策報稱願同蒙海防道廉使陶憲委遊擊王紹勲守備仇世隆千總李應坤尹大陞等結連叛遼內應徐承柏陳繼盛王輔張魁張滿國舒國龍鄧子禮李泗鄧子智凌達凌彥明曹景柏徐甫韋世豹等及同陳忠蘇耆民李景先汪邦翰張機傅瀛等到於鎮江願同拿斬敵姪佟養真及叛二子及堡官李國相等九十四人餘黨無算及俘九名其內將二十三名解蒙宣遠道副使王審驗二十三名內止解六名到京其內王一盜得財賣放李國相